

طبع در محل اداره :

در حال اوغندده امنیت
مندوخی حوارینده
شنگول یقوشده
۲۰ نوسو

مستطابق

۱۳۲۶

سلاک زه موافق آثار
جدیه مع المنونیه
قبول اولنور

درج ابدیهین آثار اعاده اولنور

دیر ، فلسفه ، علوم ، مفروض ، ادبیات تاریخ ، ریاضیات ، ریاضیات ، احوال و مشوره اسلامیه در بحث اجداد و تفکرده به نشر اولنور .

صاحب و مؤسسلری :

ابوالعلا زین العابدین - ح . اشرف ادیب
تاریخ ناسیبی

۱۰ تموز ۳۲۴

در سعادتده نسخلهسی ۵۰ یا ۵۵

قبیلهدن مقوا بورو ایله گوندوبلیسه سنوی

۲۰ عروش فضلہ آلنور

آبونه بدلی

منه لکی	۶۵	۳۵	غروش
مالک عثمانیه ایچون	۶۵	۳۵	روبله
روسیه	۱۷	۹	فرانکی
سائر ملک اجنبیه			

یدنجی جلد

۳۳ ذی الحجة اشرفیه ۱۳۲۹ پنجشنبه ۱ گان اول ۱۳۲۷

عدد : ۱۷۱

کالانعام بل هم اضل]. دین لغه انقیاد و انخضاع دیمک اولدیغندن جناب واجب الوجودک عظمت الهیه سنه خضوع، و اوامر سبحانیه سنه منقاد اولمق دیمکدر.

خالق اعظمک، قدرت صمدانیه سی مکونانک بنون ذراتنده تظاهر ایتدیکندن نظر عبرتله او بدایع قدرته بائق انسانلر ایچون توحیده کافی بر ساقهددر.

و فی کل شی له آیه . تدل علی انه واحد

بر کون بادیده یاشایان، صفحه فکریه سی هر بر معلوماتدن خالی اولان بر بدوی به حق تعالی نک اثبات وجودندن سؤال ایتدکلی وقت [اذا دلت البعرة علی العبد والاثر علی الاثر . آلا تدل هذه السموات والارض علی الملک الخیر]. اکر دوه نک بعدسی (یعنی بطنندن چیقان فضله غذا] دوه به دلالت ایدر ایسه ایدر دنده اورادن کچمش آدم کلاشیلور ایسه بو قدر یرلر کوکالر جناب حنک وجودینه دلالت ایتزمی؟ دیه جواب یرمش.

بر بدوی بو قدر بیله بیلور. اما صفحات فکریه لری بر چوق معلومات فنیه ایله مملو اولان کیمسه لک ایسه هر برشیده بیک حکمت خلقت و براهین وحدانیت مشاهده ایتلری شهیدن وارسته در. بو کون زمانک تجدداتی دین مبین اسلامک بر چوق متین اساسلری تأیید ایتمشدر. قران کریمک بر چوق آیات جلیله سنک مدلولاتی عصر مدنیت عیانا تجلی ایتدیرمشدر.

بوکا دأر اولان بر چوق آیات واحادینک زمان ترقی ایله نمایان اولدیغنی مصر علماسندن شیخ کوا کبی حضرتلری طبایع الاستبداد، نام کتابنده کوزلجه توضیح و بیان ایتمشدر. ایستینلر مراجعت ایتسونلر پک غریب صفحه لر او قورلر ذاتاً امام بو صیری:

(لها معان کوج الجرفی عدد)

آیات قرآنیه نک معنالی او قدر بی حد و حصر در که دادنا امواج دریانک اجزای فردیه لینه بکزر، بیورمشدر. استاد محترم سید محمد حامد حضرتلری بونی او قوردر کن تفسیرنده دیور دیکه: «کتاب الهی اویله غریب بر منبع فیوضات ربانیدر که وقت سمادندن شمده یه قدر کلرب کچن فضلاء دورین استعدادلریله باقوب هر بریسی کنده استعدادیله متناسب و مرآت بصیرتیله متألف اوله رق معاش و معاده لایق و نافع فوائداخذواقتباس ایتمشدر. (ولارطب ولا یابس...) آیت کریمه سیده بونی تأیید ایدر. دقت ایدیلور ایسه کوره بیلور سکز که: کتب ساویه سائر اسلوباً قرآن عظیم الشانه بکزه من. تدقیق ایدیکز تورانی، دنیا به تعلق ایدر که بر شی بوله من سکز. باقکزر انجیله شئون حیاتیه و معاشیه دأر بر ماده کوره من سکز. عجباً قرآن عظیمه نه نی آرایوبده بوله میور سکز تنظیم حیات بشره دأر حددن افزون آیتلر مشاهده ایدر سکز؟ جرائمه دأر جزائر، اقتصاده باعث یوللر، اتحاد و اتفاق ثمرلری مبین اصوللر، مساوات و عدالتی تأیید ایدن ایضاحلر، سبی و عملی تحسین ایدن نصیحتلر، ام سالفه نک احوالی تمثیل ایدن بیانلر، انسانلرک سلامت

هیچ بر قوت، خارجه، اورایه یان باقغه جرأت ایده من. تمنی ایده که ممالک اسلامیه آز بر زمان ایچنده بویله مقدس بروج معرفت ایله زینتیاب اولسون، اونک شعشعه کاندنن یابانچی کوزلر قاماشین، هر سقف معرفتده رایات امن و سلام موج ایتسون.

فقط شونی ده علاوه ایده که؛ تمنی؛ بونلرک نهایت، نهایت بر لازمه ابتداییه سی اوله بیایر، فقط طائی، طوپراغی؛ ارکان تأسیسیه سی یرینه کچه من. اونکچون آرتق قورو تمیلرک؛ بیوک بر قیمت عملیه سی اولدیغنی دوشونلرک هر تمنی بی؛ بر عملک تعقیب ایتمه سنه، سلامت وطن نامنه چالیشه لم. عالم اسلام «محمد رشید رضا» حضرتلری کی اعضای فعاله یتشدیر مکه ممک طاورا نامالیدر، دوشونملی بزه وطن اسلام، بر سکون جامدانه ایله دکل، بر سکینت غیورانه ایله قورتولاجتدر.

بایتختک ده امید بخش تشبلی وار. مدرسه لده، اخیراً کورولن اثر حرکت؛ هر حالده دائماً بکله نیان بر آیت صلاحدر. مدرسه لک بو مملکتک تربیه و تهذیب نقطه نظرندن متعهد بولندیغنی حصه اهم؛ دوشونولورسه بتون مساعی اصلاحیه منک محصله قواسنی اول امرده او محافل فیوضه توجیه ایتک لازم کله چکی تسلیم اولنور. مدرسه لر؛ بزم تربیتکاه و جدائز اولاجق بر پایه علویته ناعزدر. بو خصیصه نک استلزام ایتدیکی اتهامات؛ اسیرکنه جک شیلردن دکدر.

ع . ن

حسیات دینه

بر آزده دینزه عطف نظر ایدلم

بودنیاده احوال بشریه نی نظر تدقیقندن کچیررسک هر حالک وجودی بر احتیاجک تأثیر یله اولدیغنی کوزلجه ا کلارز. او احتیاجده یاطبیعی اولور: یمک ایچمک خصوصنده کی احتیاج کبی و یاخود طبیعی اولمازده اعتباری اولور: یمک ایچمک کیمک کبی شیلرک استعفا سی ایچون یا بیلان عمللرک شکللری نوعلری کبی. بونک ایچون کوریورز که انسانلرک احتیاجات طبیعیله لری هر قدر مساوی ایسه ده احتیاجات اعتباریه لری قومه زمانه محیطه کوره تغیره معروض قالیور. عجباً دینده انسانلر ایچون بر احتیاج طبیعی می. . . یوقسه بر احتیاج اعتباری می؟

بر فیلسوف انسانی تعریف ایدرک دیور که: انسان - کوزله کورن بر جسمدن وعین بصیرتله مشاهده ایدن بر روح، بر نفسدن عبارتدر. دیمک اولیور که فیلسوفک تعریف حقیقی سی اوزره بر انسان یمک ایچمک و جسدینه فائده ویره جک بر طاقم احتیاجاتک استیفاسیله طبیعت بشریه نک عموم احتیاجاتی تأمین ایده میور. بلکه بر چوق احتیاجلریده آچمده قالیور اولنورده انسانک جزء حقیقی و یا ظنی سی اولان روحک احتیاجاتیدر. سرد اولنان نظریه مظهر قبول اولور ایسه انفراد بشرک جمله سنک دینه سرفرو و انقیاد ایتلری طبیعی اولور. انقیاد ایتیلرده مراتب بشریه دن خارج و مراتب حیوانیه دن ده منحنط بر در که به داخل اولورلر. اونک ایچون جناب حق کتاب جلینده، بیور یور که [اولئک

وسادتتی تأمین ایده جک اسباب، خلاصه بشریتی حال سنالت و شقاوتدن قورتاروب معاشاً و معاداً اعلاى علین ترقی به ایصال ایده بیهجك هر درلو و سائطی حاویدر .

قرآن کریم دین مبین اسلامی الی الابد حفظ و تأیید ایده جک بر کتاب سماویدر... بلاغت و فصاحت عربیه نك اك عالی بردوره سندن شمدی به قدر میدان فصاحتده مبارزه به هر بلیغ و فصیحی دعوت ایتدیکی حالده ایشه اون دوت عصر کچور هیچ بر کیمسه میدان مبارزه به چقه مدی والی الابد بو حالك دوام ایده جکنی بلاغت عربیه به واقف اولانار یقیناً بیلورلر.. کچنارده اوروپا متفکرین و علماسندن موسیو ادموند دیوردی که: غیر مسلم بر کیمسه قرآنك محتویاتنه اینا نماز ایسه لوم اولنه ماز فقط بلاغت و فصاحتی انکار ایتکه قانقار ایسه پك بیوک لومه معروض قالدینی کچی کندی جهانی ده ابراز ایتش اولور. موسیو ادموند بوسوزی خصمه قارشی نه کوزل بر جواب التزامی در. بنده دییه بیلورم که بعض غیر مسلملرک قرآن کریمک فصاحت و بلاغتی ادراک ایتیبوده حال انکارده بولملری اهل حقیقتی دوشوندره جک بر مسئله دکادر .

بلکه بعض منتسبین دینک تقدیر ایتاملری پك زیاده دوشونیه جک بر مسئله در بر کون بر ذات ایله برابر اوتورورکن دیدی که: سز مسلمانلر اعجازی قرآنکزه تخصیص ایدیورسکوز. حالبوکه مشهور ادبالیکنزدن امام حریریده ایکی بیت سولیش و دمش که بر کیمسه بنم شو بیتلرمی اوچنجی بر بیت ایله تعزیز ایده مز، عصرنده بولسان او قدر ادبا و باغانک جمله سی سرفرو ایتشلر و هیچ بر یسیده جواب ویره مامش دیمک اولیور که اعجاز بعضاً انسانلرک سوزلرنده ده اوله بیلور. بناءً علیه قرآنك اعجازی کلام الهی اولدیغنه دلالت ایتمز، «جوابنده دیدمکه: امام حریرینک مقاماتنده ذکر ایتدیکی بیتلر شونلردر .

سم سمة محمد آثارها واشکر لمن اعطی ولو سمسمة
والمکر مهما استطعت لاتاته لتقتنی السوود والمکرمه

فی الحقیقه بو بیتلر هر نه قدر درجات بلاغت و فصاحتده اك اعلا درجه لرده ایسه ده بولنره نظیره یان چوق علما واردر. دیمک که نظیره لرینی ایشتمه مش سکز؟ ایشه سزه او طرزده ایکی بیت ده:

مالامة الشعواء فی فعلها « اذل من مجتمعی مائمه
والمهر مهدی الی حسن الولا » لیختبلی العزة والمهرمه

باقیکز امام حافدینک لامیه شرحه، بونک یوزلرجه نظیره لرینی و بولنردن ده بلیغ بیتلر بولورسکوز، آه خاطریمه کلیور که بوراده شمدی بروقاجنی ده ایراد ایده م. طبیعی بولنر ایلده اکتفا ایدرسکوز. برده جناب پیغمبردن خصمی امتناع و التزام ایده جک بر چوق معجزه لره آیات یانه آزار صدور ایتش. دیه جواب ویردم کندیمی دینسز، متصب اولدینی ایچون سرد ایتدیکم دلیللری کمال منونیت ایله قبول ایتدی. مقاله مه ختام ویرمدن اول ینه موسیو ادموندک بر سوزی وار اونی سسویلیوب اوله ختام ویره جکم دیور که: دیانت اسلامی نك روحنی کلامه دن غریب دوشنلره سرینه واقف اولق پك چتیندر. فقط کهنی ا کلایانلر و حقیقتی

بیلنر ایچون پك خوش، جاذبه لی بر روحدر. اونک ایچون سرینی ادراک ایدنلرک قبلرنده احداث ایتدیکی تأیری هیچ بر شی ازاله ایده مز و هیچ بر وقته اوندن انفضالی ممکن دکادر. اوت! فیلسوفک مطالعه سی پك زیاده مصیبر ایشه بزه ترتب ایدن بر وظیفه وار ایسه اوده دیانت اسلامی نك علویت و مزایاسنی بالعموم مسلمانلره و خصوصاً یکی نشأت ایدن شبانمزه تلقیناتده بولنه لمکه روح جاذبه دارینی مشاهده ایتسونلر. و هر وقت حیات دینه ایله متحسس اولسونلر و هیچ بر زمان ایرلسونلر. اوده دیانت مقدسه اسلامی به اصلسز اساسسز بر طاقم جه-الانک تللیس ایتدیگری اراجیف و اوهای رفح ایله حقیقت اسلامیتی هر برسوه تفهمدن آزاده اوله رق تجلی ایتدیرمکه اولور.

ابوالفضل محمد مأمون

(شیخ سعیدی) نك (بوستان) حکایاتندن :

نوشروانک اوغلی (هر مز) حالت نزعده ایکن خلعتی (شیرویه) به شویله وصیت ایتشدی :

اوغلم! هانکی ایشه عزم و نیت ایله یه جک اولورسه ك اولواو ایشده تبعه ك استفاده سی اولوب اولمادیغنی دوشون. دائماً رأی وعدالت مقتضد سنجه حرکتدن کری طورما، که اجرا ایتکن رعیه ك دوچار اضطراب اولماسین. ملت، ظالم بر حکمدارک تابعیتندن قاچاجنی کچی کیتدیکی یرده اونک نام ستم اتسامنی نشر ایدر. کیمسه نك رنجیده دل و آتش قابنک مشتعل اولماسنه میدان ویرمه. بر قوجه، قارینک نار انکساری بر جنکاورک قیلیجنندن زیاده تأیر کوستریر، نته کیم بر طول قادینک ده وریلن قندیلندن بر شهرک تمامیه یا نماسی قابدر .

دنیاده عدل و انصاف ایله اتصاف ایله مش بر بادشاهدن دها بختیار تصور اولنه ماز. او تاجدار معدتپرور، حیانتنده تبعه سنك حرمت و محبتنه مظهر اولدیغنی کچی وفاتندن سوکرده ده رعیه سنك دعاسنه نائیلته کامرورددر.

اولادم! مادام که انسانلرک ایسی ده کوتوسی ده اوله جکدر. نامکک ایلکله یاد اولونماسی سنك ایچون اپدی رحیات دیمکدر .

سرکاره کچیره جکک کیمسه لرک دیندار و پرهیزکار اولمالرینه دقت ایت زیرا ارباب تقوی، مملکتک معماریدر. خلقک مضر تنده سنك منفعتکی آرایه جققلر، هم سنك دشمنک، همده ملتک عدوسیدرلر .

ظلم و ستملرندن ایادی خلقی سایه توجیه ایدنلرک اننه زمام حکومتی تسلیم ایله مک پك بیوک بر خطادر .

نقل ایدرلر که :

عادل بر بادشاه واردی. لباسک ایچی ده، طیشی ده آستاردن ایدی. بریسی بوذاته :

— بیچین بویله کسو درویشانه اکنسا ایدیورسکوز؟ دیبای چیندن